



Embassy of the United States of America
Bujumbura, Burundi



IBIMENYESHEJWE KU BAMENYESHAMAKURU
Mukakaro, Italiki 28, 2015

**Intumwa idasanzwe ya Leta Zunze Ubumwe Za Amerika mu karere k'ibiyaga
binini, Thomas Perreillo**

Mu kwezi kwa Mukakaro, umwaka 2015, perezida Barack Obama yaranteye iteka mu kungena mu kibanza c'Intumwa idasanzwe ya Leta Zunze Ubumwe Za Amerika mu karere k'ibiyaga binini. Naciye rero nihuta gutunganya runo rugendo rwambere ngize muri kano karere. Uno musi nkaba nsozereye urugendo rw'imisi itatu nariko ngira hano mu Burundi, nkaba rero narashoboye kuganira n'aberwa n'ikibazo c'Uburundi bari mu bisata bitandukanye, abo muri Leta, abatavuga rumwe na Leta eka n'abari mu mashirahamwe yigenga. Leta Zunze Ubumwe za Amerika zirarajwe ishinga na ntaryo n'ikibazo c'Uburundi eka n'ingene iviyiyunviro vya demokarasi bikurikizwa inyuma yaho uburundi butunganije amatora atagiyemwo na bose kandi atamewe na bose.

Mu ndwi iheze, umunyamabanga mukuru John Kerry, "yamenyesheje yuko itangazwa ry'ivyavuye muri ayo matora kwabaye uguzozera ikiringo c'amatora atemewe na bose kandi carazwemwo umudugararo n'ukutubahiriza agateka ka zina muntu." Perezida Obama nawe nyene yagarutse kuri ico kibazo ku wa Mukakaro italiciki 28 aho yari mu nama mu kigo c'ishirahamwe ry'Ubumwe bwa Afirika aho rero yavuze yuko " iyo uwutwara igihugu ashatse kwivuguruza mu kuja kubiri n'amasezerano asanzwe aranga igihugu kugira agume ku butegetsi, ntankeka uruhagarara ruca rwaduka mu gihugu eka n'imishamirano nk'uko ariko bimeze ubu mu Burundi. Iyo rero akaba ariyo ntambwe ya mbere kugira igihugu kije mu kajagari. Mu gihe rero umukuru w'igihugu yibaza yuko ari we we nyene ashobora kurongora igihugu, muri ico gihe aba yarananiwe n'ugutunganya koko igihugu ciwe." Ivyo rero akaba yabivuze mu nyuma yaho yari yamenyesheje yuko demokarasi igeze ahatemba mu Burundi aho yari mu rugendo muri Kenya.

Hari hageze rero yuko abarundi babaho mu mahoro, mu mutekano nta ngere no mw'iterambere inyuma y'imwaka bamaze mu rwano, mu ruhagara no mwitotezwa. Turarajwe ishinga n'ibihe Abarundi bariko baracamwo, kuri ubwo rero, umuntu wese azogerageza gutoteza abanyahiguhu, aba uwo muri Leta, eka n'ukutubahiriza agateka ka zina muntu, ivyo bizogira ingaruka mbi kunfashanyo duha Uburundi. Nk'uko abandi bafasha Uburundi babigenjeje, ibiriko biraba mu Burundi vyatumye na na Leta Zunze Ubumwe za Amerika ziba zirabangira kuvyerekeye imigambi zakorana n'Uburundi yari isanzwe yarahagaritswe vyinfata kibanza eka n'iyindi yari ikiriko irarangurwa. Dusavye rero yuko ibiganiro vyari bihagarikiwe n'Umuhuza vyosubira gutangura mu maguru masha, abazoba bari muri ivyo biganiro bakazoganira ku bibazo vyose vyari vyashizwe ku rutonde.

Leta Zunze Ubumwe za Amerika zirarajwe ishinga n'Abanyagihugu bo mu Burundi eka n'abo mubihugu vyo muri kano karere, zikaba rero ziriko zirakora ibishoboka vyose kugira mu misi, mu mayinga eka no mu mezi ari imbere ikibazo c'Uburundi cotorerwa umuti kugira muri ico gihugu, be no muri kano karere harangwego amahoro, demokarasi nyayo eka n'iterambere rirashe.

IVYO KUMENYESHA UBU NYENE

Avenue des Etats-Unis
Kigobe, Bujumbura, Burundi

Telephone: +257-2220-7255
Email: BujumburaPAS@state.gov